



Broj: 01-23-9-293/19-4
Datum: 16.5.2019. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-23-9-137/18-3 od 16.2.2018. godine, načelnik Općine Travnik, d o n o s i

R J E Š E N J E

o izboru najpovoljnijeg ponuđača

- (1) Najpovoljnija ponuda za javnu nabavku radova: Izvođenje radova na redovnom održavanju makadamskih cesta na području općine Travnik, bez podjele na lotove, je ponuda ponuđača GPD „TELING“ d.o.o. Travnik sa ponudjenom cijenom od 29.000,00 KM bez uračunatog PDV-a.
- (2) Prijedlog ugovora o nabavci dostavit će se na potpis gore izabranom ponuđaču po protoku roka od 15 dana od dana kada svi ponuđači budu obaviješteni o izboru najpovoljnije ponude.
- (3) Za izvršenje ovog Rješenja i praćenje realizacije ugovora, zadužuje se Služba za zajedničke i komunalne poslove.
- (4) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
- (5) Ovo Rješenje stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa Zapisnikom o ocjeni ponuda u skladu sa članom 65. stav (2) zakona o javnim nabavkama.

O b r a z l o ž e n j e

Postupak javne nabavke radova – „Izvođenje radova na redovnom održavanju makadamskih cesta na području općine Travnik“ bez podjele na lotove, pokrenut je Rješenjem o pokretanju postupka javne nabavke broj 01-23-9-293/19- od 16.4.2019. godine. Javna nabavka je provedena putem otvorenog postupka. Procijenjena vrijednost javne nabavke 29.915,00 KM.

Postupak je objavljen u Informacionom sistemu „E-nabavke“ Agencije za javne nabavke BiH, broj obavještenja: 54-1-3-37-21/19 od 17.4.2019. godine, te u „Službenom glasniku“ BiH broj 29/19.

Rok za dostavljanje ponude, a u skladu sa tenderskom dokumentacijom, bio je 13.5.2019. godine. Komisija za javnu nabavku imenovana je Rješenjem broj: 01-34-16-112/19 od 29.1.2019 godine. Komisija je shodno članu 63. Zakona o javnim nabavkama („Službeni glasnik BiH“ broj 39/14) izvršila javno otvaranje u roku dostavljenih ponuda. Javnom otvaranju ponuda je prisustvovao ovlašten predstavnik ponuđača GPD „Teling“ d.o.o. Travnik. Zapisnik o otvaranju ponuda ponuđačima je prosljeđen u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su ukupno prispjele 4 (četiri) ponude;
- Da su blagovremeno zaprimljene 4 (četiri) ponude,
- Da su ponude ponuđača: „Merkez Oil“ d.o.o. Novi Travnik, „Bucomerc“ d.o.o. Kiseljak i GPD „Teling“ d.o.o. prihvatljive

OB 001

Strana 1 od 2

- Ponuda ponuđača „Sejdić“ d.o.o. Travnik je neprihvatljiva iz sljedećih razloga:
 - navedeni ponuđač nije dostavio čvrsto uvezanu ponudu, nego je svaki list ponude uložio u plastičnu fasciklu koja nije zatvorena, tj. stranice – listovi ponude se mogu izvlačiti iz istih – što je u suprotnosti sa tačkom 4.1. Sadržaj ponude i način pripreme ponude – tenderske dokumentacije;
 - Ponuđač je kao povjerljive podatke u trajanju od 30 dana u ponudi naveo podatke iz obrasca za cijenu ponude, tj. cijenu ponude što je u suprotnosti sa članom 11. stav (1) tačka a) Zakona o javnim nabavkama koji glasi: „Povjerljivim podacima se ne mogu smatrati ukupne i pojedinačne cijene iskazane u ponudi“;
 - ponuđač u svojoj ponudi nije dostavio dokaze kojima potvrđuje svoju profesionalno – tehničku sposobnost, tj. nije postupio u skladu sa tačkom 3.4.2. tenderske dokumentacije
 - ponuđač nije kod nadležnog organa (notar, općina) ovjerio izjave iz člana 45. I člana 52 Zakona o javnim nabavkama.

Ponuda ponuđača „Sejdić“ d.o.o. se odbacuje u skladu sa članom 68. Stav (4) tačka i) Zakona o javnim nabavkama.

Komisija za javne nabavke Općine Travnik dostavila je dana 16.5.2019. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-23-9-293/19-3, sa preporukom o izboru najpovoljnijeg ponuđača za predmetnu javnu nabavku. U istom je navedeno da je pregledana i analizirana dokumentacija priložena uz ponudu ponuđača u smislu provjere njene validnosti, obzirom na iskazane kvalifikacione zahtjeve ugovornog organa u tenderskoj dokumentaciji otvorenog postupka javne nabavke. Uvidom u priloženu dokumentaciju, Komisija za ovu javnu nabavku, utvrdila je da ponude ispunjavaju minimum uslova, odnosno zahtjeve ugovornog organa koje je isti zahtijevao u tenderskoj dokumentaciji.

Komisija je predložila ugovornom organu da u skladu sa članom 69. stav (1) alineja pod a) i člana 70. stav (1) Zakona o javnim nabavkama BiH postupak javne nabavke u konkurentskom zahtjevu za dostavljanje ponuda nabavke radova: „Izvođenje radova na redovnom održavanju makadamskih cesta na području općine Travnik, bez podjele na lotove, okonča zaključivanjem ugovora sa najpovoljnijim kvalifikovanim ponuđačem GPD "Teling" d.o.o. Travnik.

Izabrani ponuđač GPD "Teling" d.o.o. Travnik je izabran primjenom kriterija najniže cijene, koja je ponuđena u iznosu od 29.000,00 bez uračunatog PDV-a.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog.

Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđačima,
2. Arhiva.

N A Č E L N I K

Admir Hadžiemrić, dipl. ecc.